

松石齋集卷之二目錄

五言排律詩

便殿奏事 上念跪久降座以手引起

又蒙 天語嘉歎久之紀事

郊壇扈 駕賜觀齋宮温室又賜金椰

瓢銀入寶紀恩

奉贈肖父張大司馬

壽徐上相二十四韻

少林寺

贈石少司馬

贈南海曾士鑑二十四韻兼呈趙少宰  
李權曹啓鑑荷亭新成有作  
送秀上人自真州將至峩眉

五言律詩

題雲棲寺

輾轅嶺北望

贈崔道人清言

陽臺宮作是司馬子微成道處

秋日借韓存良吳子道二太史游西苑  
枉詩見投奉和得十首

萃嚴寺

晚渡衛河

送傅大理之南都

奉使出都宿潞河寄別故知二首

奉和張學士洪陽先生閒雲館詩八首

送蕭給諫使封琉球

送陳錫玄文學之南雍



潞河留別張以孚張時左補闕

平原留別曹戶部

送寬上人

林居

阻雨大河宿塵上人禪院

焦隱士祠

早發寧陽

晚過碧雲寺

訓尉氏令

玄谷寺題贈方乘老僧

謁夷齊廟

會亭驛阻雨

天津逢沈太守

早涉伊川南歸

送潘去華理郡溫州

送劉應楠理郡永昌

送刁宇和尚游五臺

丘齊之吾無益成奉和四首



賦得露零仙掌

玉泉寺觀魚

三竺

送劉生還天長時予將赴闕

贈醫尤生

毘陵道中家弟餞別

登江天閣同送別諸友

仰雲詩

半塘寺訪圓上人

香山寺

金山寺

華嚴寺

嵩山謁二程先生祠志感

宿悅上人禪房

流杯亭小憩偕趙太史

流憩亭望見西湖

來青軒臺省諸公小憩

贈美人吳絲裙



既登岱夜集郭外訓唐僉臬二首

松石齋集卷之二

五言排律詩

便殿奏事

上念跪久降座以手引起又蒙 天語嘉歎久  
之紀事一首

謁帝金華近承顏玉陛隆康哉希舜詠咨汝企  
堯衷曲跼明臣禮垂援俯 聖躬負依 天語  
切引袖御香通虎拜文磚肅龍趨黼座雄袞嘉

海虞趙用賢汝師父撰



榮 帝命吁咈荷皇風宣室恩稱異平臺禮獨  
崇元良非一德端揆謬三公何以訐謨協能諧  
熙載忠唐虞身幸際周召績無同翊亮資明運  
憂危佐 聖冲所希常道泰千載慶遭逢

郊壇扈 駕 賜觀齋宮温室 賜金椰

瓢銀八寶紀 恩

聖主肅郊祁天行日馭移旌旄元隊合冠劍上  
公隨法駕叨倍列靈壇屬仰窺何如宣室召得  
與闕宮儀殊錫珍金錯承恩麗玉墀鏤文光貫

鼎寶氣耀懸藜位直台衡重榮沾雨露私誓將  
精白志歲歲格 皇祇

奉贈肖甫張大司馬

聖世篤元臣千年瑞檢新降精元自蜀爲翰寔  
生申名羨回奇早才稱董賈倫河陽花作縣粉  
署玉爲人體國心先著匡時策屢陳安危皆報  
主文武摠調鈞四佩登場印三垂淨虜塵昔時  
南服靜今見北夷馴息望歸黃闥疇咨眷紫宸  
中樞喉舌冠端揆股肱鄰貝帶榮頒玉雲袍寵



錫麟百僚師肅穆九命益逡巡衛武多憂日營  
平未老身果懷經世術不愧濟時屯海內知司  
馬行間戀寇恂含舖如下士開閣豈平津魚水  
超千載旂常炤萬春所希光史籍今古仰嶙峋

壽徐相公二十四韻

聖曆光熙洽星精降雨申將維一代運故眷百  
年身德以匡時重功因濟世神鵠鸞高譽望魚  
水契君臣惟昔中興盛毘茲下際仁 先皇咨  
密勿未命寄嘖呻景曜扶重起洪鈞力轉新萬

機康改革九命益逡巡廣學惟論道開誠在後  
人於今寧海宇猶是藉陶甄平格天宜壽華夷  
誦並臻東山思謝傳四海望平津瑞靄紛成綺  
卿雲鬱若輪山川標氣色日月隱嶙峋桂樹騫  
三鳳蘭堦繞八荀留侯元不老鄴相果殊倫異  
數昭 皇寵溫綸出紫宸天衣五采麗法酒上  
方珍 存問趨羣吏賡歌協衆賓師賢聞往哲  
褒德及茲辰下士勤推轂非才濫吐茵銜恩攄  
咏藻紀壽頌冥椿玄圃仙花艷瑤池碧醴醇武



公年未艾抑戒願重陳

少林寺

靈岳天中表香臺象外棲客行青嶂裏寺與白  
雲齊寶笈深龍藏金繩度鳥梯慧燈承日朗聖  
草傍堦淒王舍留中震耆闍去竺西虹幡初地  
繞鳳剎化城低巖鴿窺禪下天鷄望曉啼慈雲  
彌法界定水見真倪五葉開仍秀三花采欲迷  
願乘清淨力常得駐招提

贈石少司馬

司馬盛才名中樞佐上卿風雲酬國士文武濟  
時英直諫危青瑣孤臣意屢驚雄謀占赤羽報  
主膽逾傾郡國胡威譽朝廷汲黯聲露恩深

睿眷風采儼孤貞罔牧稱淵塞臺綱善肅清諸

艱方納麓歷試會持衡短語堪施餌長心尚請

纓勛將彝鼎列政格泰堦平壽紀初開曆靈源欲

降精微才承渥惠虛忝問窮生道以升沉合恩

從顧盼榮江湖收涕淚廊廟叶歌賡佇待銘功

日康哉咏 聖明



贈答南海曾士鑑二十四韻兼呈趙少宰

誰謂棲遲者歸來復國楨本超湖海性盛鬱古  
今情詞采凌南國才華絕二京上林空荐賦入  
洛祇虛名寂莫憐揚子天人負董生初衣鮮薛  
荔載筆潤瑤瓊豈念辭秦泣還尋訪戴盟舊京  
旋白社嘉客欵春卿曾時客趙少宰所漫滅懷中刺沉  
冥匣裏萍聊懽投轄賞暫緩越吟聲妙酒時參  
聖玄言足醒醒秦淮虛夜月燕趙幾經行自管  
登臺勝于今有鳳鳴物情多慘澹古道在堅貞

綿薄官成拙風期思獨縈贈言披藻詠投分托  
蘭蘅濟世無舟楫匡時必宰衡遺弓應不恨抱  
壘欲辭榮寥廓終翔鵠翻飛可掣鯨五噫予自  
適十上子非輕日麗珍珠市春回碧玉城嶺梅應  
付信江柳待含英何以敦岐路淒然步檐楹因  
君夢鈴索離思咏南征

李權曹啓鑑荷亭新成有作

傲吏盛才名開亭傍錦城地幽人境別心遠俗  
塵輕荷氣當軒度蓮香逐酒行岸花交雜樹汀



柳亂流鶯徂暑羣芳秀含風夕景明水雲寬汎  
灑鷗鷺狎澄泓上客邀呼酒臨池賦濯纓誰言  
塵市裏亦自有蓬瀛

秀上人自真州將至峨眉

杖錫去翩翩峨眉到幾年故山雙對下半偈一  
燈傳昨日揚州信秋期漢口船禪心本不住真  
境故無邊月古湘江湛雲深蜀道縣清機隨鉢  
履寒梵足松泉待得同棲息皈依共法筵

五言律詩

題雲棲寺

精舍雲陽好莓苔一逕蕪綠陰巖際合黃鳥谷  
中呼投足聊停策行吟且據梧亦知塵外意驅  
馬復征途

輟轅嶺北望

迢遞輟轅道山盤路幾重川明分洛水樹靄見  
嵩峯車轍餘周漢民風識邶鄘龍門烟霧裏極  
目是秦雍

贈道人崔清言



吾愛清言子癯然土木姿朝餐供石蕨夜嘯對  
山魘一壑心常住孤雲意與遲待尋南岳去訪  
我碧江湄

陽臺宮作是司馬子微成道處

天隱巢居處連峯入奧區白雲辭帝闕青鳥會  
仙都月冷猿聲斷松虛鶴影孤此中消燕坐何  
必問蓬壺

秋日偕韓存良吳子道二太史游西苑在  
詩見投奉和得十首

方駕游何許晨趨紫禁遲遙原浮雜島遠水漾  
輕颺宮闕超皇覽江湖有釣絲帝京誰盛藻謝  
眺有新詩

直省金華接陪遊御苑同臺虛臨太液道復繞  
離宮寶帳三千所珠簾十二重何勞問玄圃身  
擬駕飛鴻

昭和南合殿

苑南有昭和殿

天際隱樓臺龍軸分巖出

鯨池對壑開樹銷金掌露塵歛玉堦苔輦路經  
行處猶傳歌舞回



卷之二  
七  
碧堯紫光閣藹藹却雲烟玉牒千尋起璇題百  
尺縣淒清鄰上界縹緲御羣仙 先帝遺弓在  
龍髯杳日邊

白水瑤扉麗芙蓉萬頃紅金鰲吹作雨玉竦矯  
成虹花氣通翔鳳林光淨射熊鴛鴦亭上望雲  
霧阻南宮

銅龍初盡漏綺騎結晨游左掖窺天近南臺見  
月留披襟連紫禁歸夢起滄洲帝里偏承賞寧  
悲宋玉秋

紫府臨丹地金壇駐五雷中有五雷殿受符芝蓋下  
傳訣羽衣來明月千門閉飛雲五色裁徒聞歌  
太乙誰得儷仙才

先皇勤稼穡內苑落西成玉峽喧雲碓蘭塲駐  
火耕如逢天樂下將逐海槎行今日歌無逸干  
秋仰

聖明

芬芳禁林晚天宇隱霏霏翠幌偏臨戶金屏別  
掩扉御溝分鴈苑仙榭出魚磯文史陪游地行



歌咏帝輝

清切聯三益趨陪托二賢秋雲低苑柳寒露咽  
宮蟬仙侶彤樓集瑤文彩筆傳今朝盛游宴何  
處與鈞天

朔日早朝

九秋傳朔氣萬國擁宸旒寶幄祥雲繞珠旂  
瑞露浮衣冠周禮樂拜舞漢王侯願效呼嵩祝  
堯天化日侔

晚渡衛河

不識澶淵路今窮渭水源野花低歷岍汀樹遠  
連村馬飲春流急人歸夕渡喧客行殊未已明  
月逐征軒

送傅大理之南都

獨持一尊酒相送白門人窮海十年戍孤臣萬  
死身寸心猶許壯華髮未悲新明日燕郊路征  
車渺後塵

奉使出都宿潞河寄別故知

擁節下彤闈分携限夕暉林開迴騎影花靄宿



巖扉潑水清添漲燕條綠抱肥回看暮雲盡心  
折故交稀

奉和張學士洪陽先生閑雲館詩八首

獨好林中隱閒雲孤館多道心澄索莫生事澹  
蹉跎檻外匡山合城邊章水過一丘雄自擅塵  
世幾勞歌

非關卑宦薄祇是惜時窮湖海歸人老烟波隔  
夢中看心孤月滿對影萬緣空羸得柴門下蕭  
然太古風

高館閒無人清虛見太真持將鑿坏意坐隱據  
梧身閒逐風花戲孤邀海月親迷津如有悟端  
不恨長貧

先生高卧處五畝足幽居日夕西山氣何如挂  
笏時白沙留野竹青靄斷寒漪風景前林好無  
妨倒接離

吾廬真自愛無事應今朝日月跳丸甚江湖戀  
闕遙憂時成鹿馬任達適鷓鴣倘憫蒼生望弓  
旌好自招



松石齋集 卷之二  
迢遞衡門下白雲當戶行人皆憐鷺序吾自宿  
鷗盟曉月清江渚浮雲遲苑城一龕相對處天  
竺古先生

朝市厭喧喧紅塵隔故園羣星低草墅踈雨曠  
江村不媿東山卧常傾北海樽寸心持未斷祇  
是報君恩

一榻結幽心窓閒水竹深人間難白地世路只  
黃金伏策希巢許遵塗逐向禽漆園無傲吏古  
道竟誰尋

送蕭給事使封琉球

萬里故人別滄波杳莫期檣鳥迎日舞水豹避  
風移玉帛通羣貢輜軒賁遠夷扶桑到應近爲  
爾挂弓時

送陳錫玄文學之南雍

裘馬金陵去翩翩入洛才摠緣悲窳逐重念爾  
蒿萊早路侵星赴園橋應月開國工堪辨玉被  
褐不須哀

潞河留別張以孚張時左遷待補



松石齋集 卷之二  
相見復相別潞河春水深孤臣一掬淚去國兩  
鄉心古岸留冰氣寒沙宿夕陰不堪頻北望離  
思日駸尋

平原留別曹戶部

故人齊地主相送及河干不分枯骸屬猶承握  
手歡輕烟春柳弱新火曉厨寒未必酬知己休  
彈貢禹冠

送寬上人

傳經雙樹下一錫老空林以我初禪意依公獨  
覺心坐聞清梵發行處白雲深想到千峰裏烟  
霞不可尋

林居

自得端居趣深林獨掩扉片雲驕樹色一雨澹  
湖暉寂寞玄知是文章老覺非唯應狎鷗鳥與  
我對忘機

阻雨大河宿塵上人禪院

維舟問野寺風雨入門深一榻禪中意孤峰江  
上心久喧非馬辨暫據槁梧吟向夕聞經罷松



松石齋集 卷之二  
三  
窓半月陰

焦隱士祠

佛土朝暉淨幽亭野氣深秋風吹一葉彷彿聽  
鳴琴不以黃虞聖誰操箕穎心蒲輪徒漢使空谷  
有遺音

早發寧陽

麗日融嚴序行車媚旅客路隨寒鴈盡山合野  
雲重古寺掩殘月關門初曉鐘平生慕真侶於  
此企仙踪

晚過碧雲寺

初地何年寺金銀涌法輪林香搖積雪花雨浥  
輕塵息影消羣慮觀生幻一身夜深孤籟發天  
末動青蘋

酬尉氏令

赤縣神明宰相逢古尉城暮雲千里色孤月片  
時情幾處桑麻地新添雨露聲同歡雖可戀其  
奈迫王程

玄谷寺題贈方乘老僧



杖策憩東林縈紆澗壑深幽崖泉自落峻嶺日  
長陰貝葉翻僧律蓮花淨梵音乘公趺坐處草  
色映堦侵

謁夷齊廟

虛廟遺孤竹當年憶採薇君臣倫不廢湯武事  
猶非衰世黃虞沒空山虎豹威酌泉心可勵徒  
此挹清輝

會亭驛阻雨

積雨晝陰陰蟬聲灌木深弃繻當日事握節壯  
游心孤吹月中細一燈風後沉羈情何所寄留  
滯托微吟

天津逢沈太守

乘海有高士杜門來故人黃金辭出守白髮慰  
慈親遠岫烟中景平沙雪後春自言行樂地修  
竹一閒身

早涉伊川南歸

方舟伊水上遠渚洛城東予亦栖遲者滄洲意  
不窮薄游非郢客歸去是梁鴻畢竟衡門下心



松石齋集 卷之二  
期誰與同

送潘去華理郡溫州

幾年洙泗客結綬欲東游去路燕雲晚休衙越  
樹秋才高潘岳賦興入謝公樓遙想郡齋裏應  
多畫諾籌

送劉應楠郡理之永昌

萬里盤江道三秋擁傳過身趨雙節近山出六  
涼多到日驚西土頻年苦荷戈曾聞郡齋暇五  
袴幾徵歌

送刁宇和尚游五臺

東林初悟道禮佛到清涼去有巡臺侶來休幾  
日糧錫留吳地杳山入晉雲長月色中峰夜應  
憐舊講堂

丘齊之吾兼參成奉和四首

開亭當粉署庭對對蕭森地以閒曹遠情因往  
哲深宮雲移旭日苑柳遍鳴禽獨抱幽人思千  
秋懷古心

爲郎聊復耳隱几故超然二子風流在遺文獨



松石齋集 卷之二 五  
可憐人疑雲上逸事慙草中玄振爾瑤華色相  
輝寔後先

尚憶空同子猶憐少谷才文章窺董賈詞賦列  
鄒枚昔是經行地今成往事哀何人燕市裏鞭  
弭爲君開

羨爾文園客青雲起大名人今稱二妙吾欲並  
三生跡遠心逾勝官閒詩更清市朝容吏隱應  
不獻承明

賦得露零仙掌

靈液夜霏霏金盤曉未晞承雲濡玉潤委月汎  
珠暉仙掌雙莖擢神膏五色飛蓼蕭歌帝澤長  
得奉宵衣

玉泉寺觀魚

路轉千峯仄藤廻一逕深泉聲咽危石鳥語靜  
高林自識非魚樂緣除害馬心塵纓那可濯于  
此遂招尋

三竺

三寺連天竺二鐘聲杳上方雲搖幢影度石老徑



痕荒歷寂窺諸相  
拔援撫衆芳  
筍舉行欲暮烟  
月照蒼蒼

贈醫尤生

賣藥長安市人言是伯休  
得錢即沽酒無月不  
登樓玉篋丹經秘金膏  
寶鼎流千秋醫肆內誰  
副賈生求

送劉生還天長時予將赴闕

少年輕作別老大重爲歡  
念子河關遠嗟予行  
役難山臨瓜步盡潮落  
廣陵寒莫問南來雁三

秋獨爾看

毘陵道中家弟餞別

簫鼓夜闐闐星河近接天  
相看去留意共盡酒  
杯前鴻雁歸霜白年華促  
鬢玄池塘何日夢秋  
冷不成眠

登江天閣同送別諸友

江天鬱渺渺飛閣倚層阿  
萬里流不極寸心將  
奈何雲光浮白馬山氣疊  
青螺明日眞州別驪  
駒莫浪歌



仰雲詩

林臥寡所營悠悠澹世情孤雲本無迹吾意亦  
何縈夾日龍文動垂天鳳彩明滄洲堪極目千  
里暮山中

半塘寺訪圓上人

不遠西林舍蕭然出市塵龍函虛海藏寶鐸振  
風輪欲辨空同相應憐幻是身因公棲息處從  
此會迷津

香山寺

一踏香爐石王城遂渺然古松斜遶徑秀嶺半  
藏天此地非靈境何方有淨緣林端清磬杳真  
氣識初禪

金山寺

相將下翠微乘興款禪扉巢燕窺人語巖花點  
客衣梵音聞處處境想入非非予亦甘栖隱何  
年白社歸

華嚴寺

谷寺倚湖濱  
堯花開錦雲  
客來孤磬發  
僧定淨



香聞積蘚侵碑字虛函散貝文一乘微妙理驅  
馬厭紛紛

嵩山謁二程先生祠志感

雲下嵩陽院丹青式二賢名從濂洛重道爲孔  
顏傳世故今如此古人誠渺然千秋嚴俎豆祇  
誦在遺編

宿悅上人禪房

一榻下禪林偏怡靜者心高齋今夜月獨臥碧  
雲岑澗水侵苔合松蘿入戶陰人天栖宴寂吾  
欲遂抽簪

流杯亭小憩借趙太史

有來梁苑客同被洛川流柳葉金溝暗桃花玉  
洞浮幾人休沐暇得與永和游坐惜烟霞暝風  
塵物外收

流憩亭望見西湖

架嶺沈瀟天幽墟生紫烟窗啣鳩觀月岩寫鹿  
門泉目盡天南雁心歸湖上船風塵那可望真  
媿小山篇



來青軒臺省諸公小憩

高閣倚青冥羣公擬聚星春風吹草色萬里入  
虛亭芝蓋迎烟合山雲傍檻停飛鴻跡可慕心  
目杳然醒

贈美人吳絲裙

欲解絲成積慙慙薦下裳同心曾約帶交股合  
生香影逐湘波豔嬌回洛水妝何如羅襪裏日  
得比容光

既登岱山夜集郭外訓唐僉臬二首

尋山初稅駕卜夜此開尊氣挾霜臺烈顏飛黍  
谷溫巖更催候火暝色合孤村共洽林塘興相  
將下石門

公府日休暇主人偕旅游雲當三觀出月傍五  
松流岐路有同調風烟憐素秋津亭莫相問離  
思迥滄洲





松石齋集

卷之三

三



松石齋集卷之三目錄

七言律詩一

恭題 皇上所御画扇二首

詠鵲鴿葵蘭二花

詠白燕梨杏二花

恭謁 長陵

陪祀 昭陵紀事有作

平古田奏定

宿 昭陵齋房呈溟南趙館丈



昌平道中望天壽山作

鷄鳴寺逢舊居停主僧作

送徐秀才暫還丹徒省母

至日齋居奉和王大宗伯韻二首

雪中艾鴻臚見過話舊作

送趙少宰汝邁北轉仍兼學士二首

送王侍御勉仁擢憲副廣左

長至日齋居署中聽演太常諸樂和王

大宗伯韻

來崔詩

有序

送艾純父擢太僕暫平江

送趙文明學憲之任河南

有叙

秋盡喜熊叅軍茂初至二首

題徐州張水部迴瀾亭

元宵夜徐伯繼吳子道丁右武鄒爾瞻

同集小樓作時予移疾請告方有還

山之興

范侍御言事落職時予以病請假賦此



申送

大司馬銅梁張公奏捷薊鎮加恩宮

保投贈

滄洲許使君夜讌南川樓

濟上逢曹太守之京口曹先爲侍御嘗

因薦予坐忤出守

天津王使君汎舟長河言別

病起

送太僕卿沈純父南還樵李二首

正月八日客有遺予梅花者因談丁右

武往事愴然賦此時丁方在滁陽

送沈工部少卿予告還吳

送江南仲山人還歙縣

黃家渡阻風

訓大總督劉公

舟中即事

夜泊梁店見月

青原關別易戶部



送朱太史封衡藩便道還越

送李翰撰冊封蜀府

送劉太史封秦府

送劉翰檢冊封靖江王府暫還番禺

送史戶曹督餉江西

送童揔戎督運事竣暫還京口

送丘齊之出守潮州

聖駕入自南郊受朝 皇極殿紀事

送徐伯繼謫太平知事

送王侍御視鹺兩淮

除夕寫懷

玄墓山和申相公韻

宿遷道中寄懷管比部

送熊茂初再調江西闡幕二首

送余山人還吳便道將登太山

周元孚過訪話舊作

別周元孚作周時被譴歸楚

贈北溪吳翁



才入秀集 目錄三 四  
送吳侍御滿告還臺

吳氏園作

吳子道席間示感懷作次答二首

寄唐禮部玄卿

登境山作

雨後聞鶯

雨霽由萬松嶺玉月岩少憩

壽閒溪黃翁七十

松石齋集卷之三

海虞趙用賢汝師父譔

七言律詩一

恭題

皇上所御畫扇二首

花鳥芳菲禁苑中  
畫圖省識見春風  
香飄蘭氣千莖碧  
日麗葵心萬朶紅  
當暑移來看皎潔  
自天題處轉青葱  
鵲鳩原上休相急  
已荷 皇仁  
祝網同



右詠鵲鴿葵蘭二花

春城駘蕩日初長  
白燕雙飛度苑牆  
千樹曉霞迷杏艷  
一簾晴雪泛梨花  
迴風舞共花爲雨  
帶月看來羽作裳  
莫向昭陽營舊壘  
君王原薄漢宮粧

右詠白燕梨杏二花

陪祀昭陵紀事有作

瑤壇晴雪淨春空  
劍佩聲沉苑路東  
霜露每勤憂聖主  
貂璫無復肅齋宮  
通原燎火分宵白  
拂樹霓旌映曉紅  
寂寞翠華誰望幸  
惟餘金粟鳥呼風

恭謁長陵

天險居庸壯帝京  
文皇曾此駐鑾旌  
雲生碣石圍龍障  
河起桑乾繞鳳城  
款塞幸無南牧馬  
留屯可解北門兵  
橋山弓劍千年在  
終古常瞻王氣明

平古田奏捷館選第一

皇威赫赫耀天兵  
南指樓船百粵平  
萬里蠻烟



開象郡三秋海色淨羊城 廟謨自協周宣曆  
嶺徼誰傳漢武名聖澤於今沾異域凱歌直欲  
繼堯賡

宿昭陵齋房呈溟南趙館丈

先皇原廟俯層陰肅穆祠官奉御心月露夜零  
千嶂曉風泉寒咽九龍吟空傳遺舄留園寢猶  
想鳴珂直禁林繡草宣臺何日事侍臣唯有淚  
沾襟

昌平道中望天壽山作

鬱葱佳氣滿燕山望裏諸陵紫翠間玉闕南陵  
雄漢寢金墉北拱固秦關千峰馬首懸如曳九  
廟龍髯邈可攀一自宮車承輦路至今流水鎖  
潺湲

鷄鳴寺逢舊居停主僧作

廿年曾憶此經行月落香巖夜更清半偈不留  
題壁恨一燈猶向舊龕明雲深竹色迷蕪磴花  
覆春陰傍苑城自是塵勞久羈役可容相對說  
無生



送徐秀才暫還丹徒省母

憶得傳經共降帷諸生此日獨相依孤帆乍隔  
三山雨慈母還將九月衣浦口潮聲行處合江  
門柳色望中稀陳蕃正解南州榻可道停雲黯  
不飛

至日齋居奉和王大宗伯韻二首

展禮明靈肅譽髦望中雲物轉東臯齋心露禱  
同三事卜夜星文聚六曹風細銅烏宮漏永月  
明鳩鵲禁城高遙知宣室祈年意宵旰應勤

聖主勞

粉署香沉紫閣烟齋居午夜欲忘眠青郊尚憶  
陪瑯輦白雪仍聞倡木天向曉觚稜迎日麗辭  
寒梅柳映風妍登臺更切蒼生念榻管祁書大  
有年

雪中艾鴻臚見過話舊作

高館風威挾雪寒夜深相對酒容寬十年別爾  
逢傾倒四海何人有肺肝闕下生還身似夢關  
西戍老淚堪彈梅花幾樹南枝好幸得清閒寄



此官

送趙少宰汝邁北轉仍兼學士二首

舊京曾插侍中貂歲晚徵書下紫霄步履星辰  
聯八座文章山斗重三朝花明玉署春初曉路  
入官河柳正嬌到日鑿坡應召對鹽梅何計慰  
均調

明光奏賦第三人曾向羅浮試采真南國再逢  
新詔命北扉重入舊詞臣石頭歌散憐同調浦  
口帆移送早春朝有老成宗社福可令霖雨負

經綸

送黃侍御勉仁擢憲副廣左

西臺執法幸彈冠直道能容世所難囊裏諫書  
猶未展嶺南除目已先看離筵雪色鍾山杳別  
路驪歌玉樹殘解道平津開閣處如君若箇在  
朝端

長至齋居署中聽演太常諸樂和王大宗

伯韻

漢家祈祀重汾陰南省端居法宇深金石盡諧



韶濩律公卿虛忝肅雖心如聞仙馭空山杳猶  
想鈞天舊日音宸極此時多氣象周廬千騎午  
森森

來鶴詩

有序

南省中舊有雙鶴忽失其偶余與大宗  
伯王公當夏至齋居日方演太常樂舞  
乃有一鶴橫空而墜雌雄應和比翼軒  
階昔人有鼓音而二八並集感孝而一  
雙來下方之斯美未若其諧合之奇也

王公枉詩見遺輒和元韻奉報此篇用  
致祝望之意云爾

南宮松檜偃離奇獨鶴翩然憇所思解識月中  
孤影恨來從舞後兩堦儀稻梁謀愧虞羅遠江  
海情懸刷羽遲爲報春卿消息至騫飛那敢並  
心期

送艾純甫擢太僕暫還平江

一疏曾同九死餘青山無恙又離居洛中諸貴  
紛投石輦上何人更引裾尊酒再傾燕市筑緘



書重覓武昌魚未應數馬堪消日托諷知君薦子虛

送學憲趙文明之任河南

有序

往丁丑之冬余與子道吳兄伏闕言事被杖落職幾死者數矣文明時以侍御按部江西具疏申抹疏且投而會有阻之者不果上其事頗洩當事者甚銜之文明意不自得乃移疾請告竟用忤旨當左遷杜門林居不出逾四年歲癸未

春文明起家由衛輝理官入爲職方郎而余與子道從田中召復還侍從再會都門黯若夢晤未閱月而文明有督學中州之命復當言別慨聚首之無幾惜妄言之寡契爰申別詩暢我離緒云爾追隨曾是舊詞垣冠蓋中州爾獨尊齊魯橫經原絳帳鄒枚授簡故梁園驚心往事看投石抗疏何人擬叩 閣遙想褰帷嵩少裏西風秋色滿行軒



秋盡喜熊叅軍茂初至二首

十年顛顛嘆離居吳蜀相望萬里餘爾去幕中  
猶作吏予從几上幾爲魚微官邴曼還除目頌  
酒劉伶莫荷鋏落落乾坤誰獨醒可能青眼對  
君虛

其二

聞道驅車自捷爲入門容髻笑支離秋雲摠識  
時人意夜雨重來故榻思裘敝游燕緇欲化文  
傳喻蜀檄仍奇開尊莫負西山色岐路逢君更

幾時

題徐州張水部迴瀾亭

仙吏風流畫省過平臺秋色淨無波窺人月借  
瀟湘近拂檻雲生嶽麓多共道梯航連上國徒  
聞壁馬日沉河只今誰障狂瀾力獨立中流奈  
爾何

元宵夜徐伯繼吳子道丁右武鄒爾瞻同  
集小樓作時余移疾請告方有還山之  
興



春衣初典鷓鴣裘海內談宗此一樓燈彩焰分  
雙闕麗月華星傷九衢流鄴中詞賦徵高會洛  
下冠裳屬舊游總道風光饒帝里吏情終不似  
滄洲

莫怪相過駐馬頻爲憐佳景動芳辰高齋尊酒  
同今夕諸子才名托後塵燈火千門良夜永鶯  
花九陌故園新宵衣想到宸遊處玉燭應調萬  
國春

范侍御言事落職時余以病請假賦此申

送

病裏愁多鬢易華聞君南謫轉堪嗟春風不下  
窮途淚夜雨依然處士家文帝豈能忘側席賈  
生終合召長沙自憐潦倒耽微祿徒倚斜陽聽  
晚鴉

大司馬銅梁張公奏捷薊鎮加恩官保投

贈

紫泥初下冊元功兼秩恩歸上相崇樽俎自堪  
羈老上烽烟那得照回中冰橫曉渡胡兵遁陣



繞陰山獵騎雄慚愧書生徒橐筆祇從江漢咏  
車攻

滄洲許使君夜讌南川樓

樹裏行廚簇晚烟南樓晴色泛長川共嗟分手  
紅亭日猶憶披襟白社年汲黯慙能嘲布被桓  
寬論豈析緡錢使君嘗以書諫歛相并  
遺余鹽法條弊一卷夜深漁  
火沙頭滅涼月紛紛滿去船

濟上逢曹太守之京口曹先為侍御嘗因

薦余坐忤出守

當年詞賦重西京驄馬行呼肅帝城烏去柏臺  
霜少色潮傾鐵甕夜消聲雲迷北闕心將往吟  
斷南冠眼乍明誰道陸機成薦後白駒空是繫  
時名

天津王使君泛舟長河言別

使君雙節建東瀛刁斗千林夜不鳴秋水浮槎  
天欲近中流清嘯月初明帝鄉只隔烟波望歧  
路偏深戀別情最是征輪重江左何緣一借寇  
恂行



病起

隱几蕭條病後身  
西風忽報授衣頻  
青雲開閣仍披褐  
白石行歌自採薪  
書劍幾回傷獨往  
鱗鴻依舊候三春  
五湖何日扁舟去  
不向江東憶紫尊

送太僕卿沈純甫南還攜李二首

飄零去國淚重流  
逐客相携怨未休  
九死回天危抗疏  
七年窮海戍高州  
尊鱸正足湖南隱  
鴻鴈初驚塞北愁  
莫更沾襟念歧路  
滄江不遠舊

同游

潞水秋風客思饒  
中流擊楫候歸潮  
青山好在心猶壯  
白髮看多意轉凋  
不道當年還瘴癘  
却憐今日老漁樵  
烟霞莫負君恩重  
清夢時頻到赤霄

正月八日客有遺予梅花者因談丁右武

往事愴然賦此時  
丁方在滁陽

旅客相思及早春  
况逢穀日旅愁新  
風高擊筑人初醉  
歲宴驅車雪滿輪  
疾惡最憐朱伯厚  
獨



醒惟見楚靈均  
滁陽雲樹三千里  
却對梅花倍  
愴神

送沈工部少卿予告還吳

水部才名冠一時  
爲郎十載尚棲遲  
不緣黃閣  
無知己寧向青山問卜居  
帆落吳江人共遠  
月明燕市醉將離  
因君忽憶臨河岍  
携手秋風好  
及期

送江南仲山人還歙縣

乍來都市意何如  
顛悴初衣返敝廬  
采筆江淹  
還賦夢名山禽向屢回  
車蟬聲極浦孤  
帆遠鴈影當秋  
片雨疎有約丹砂能鍊就  
與君相對繹  
玄書

黃家渡阻風

蒼茫雲氣隱孤檣  
風起橫波浪捲花  
近海魚鯁喧市集  
遠村旗鼓賽農家  
青萍匣在看將老  
白眼人逢好自誇  
去國果然輕似葉  
清明誰道即天涯

酬大總督劉公



授鉞三垂報主身至今麟閣讓功臣游旌乍出  
花間隊獵馬常嘶雪後春赤羽論兵猶矍鑠丹  
心謀國尚紛綸儻能詔起東山卧烽火還看淨  
虜塵

舟中即事

江浦新晴對落暉芳堤草色晚烟霏青雲漸遠  
名猶在白髮看多意轉違風煖檣鳥迎日舞沙  
清浴鷺傷人飛綠知世路如浮梗何事飄搖未  
息機

夜泊梁店見月作

藜林織月媚清漪簫鼓中流晚更移幾度春風  
消客卽每逢寒食倍鄉思蹉跎涉世堪投筆今  
古浮踪似弈棋從此扁舟乘興去五湖三畝足  
棲遲

青原關別易戶部

三年兩度關門過地主逢君興獨長五石瓠甘  
題散木千金骨在識非黃天邊岳色侵衣碧樹  
裏鶯聲喚酒香河朔平原俱浪迹且容青眼縱



吾狂

送朱太史封衡藩便道歸越

主恩親遣重丹書，東土新開帝子居。  
負弩官儀雄海岱，屬圖封事采青徐。  
江濤晝靜迎潮館，星氣宵隨入越車。  
朝右須君持載筆，可因傳檄滯相如。

送李翰撰冊封蜀府

錦城天府漢諸侯，使者桐圭萬里游。  
結駟曾題司馬柱，草玄重到子雲樓。  
巴山路轉猿聲合，巫

峽江寒樹影秋，却憶瑤華披秀色。  
新詩庭寄浣溪頭。

送劉太史封秦藩

青雲冠蓋出西雍，王者親藩世五宗。  
漢使自高公幹譽，秦關原重伯翳封。  
芙蓉半削金仙掌，石月雙啣玉女峰。  
想到天門搔首處，秋風呼酒跨茅龍。

送劉翰檢冊封靖江王府暫還番禺

侍臣朝散鳳凰池，萬里封貂北極移。  
桂嶺瘴消



開雨露銅標地盡識威儀故人燕市秋相憶驛  
使梅花春較遲君到莫言榮晝錦樓船猶有未  
班師

送史戶曹督餉江西

起草名推漢署郎新符遙佩度支章司農國計  
江淮急負海軍儲飛輓長落日諸峰看五老清  
秋高閣倚滕王到來紆畫東南事書疏應傳耿  
壽昌

送童總戎督運事竣暫還京口

將軍漳水下樓船粳稻東南大有年外府全齊  
來負輓中邦成賦仰幽燕雙旌曉挾秋雲轉萬  
馬寒嘶夜柝傳羨爾鳴珂榮舊里雅歌誰傷酒  
人前

送丘齊之出守潮州

幃帷南去古諸侯握手新知戀舊游白雪才名  
高執戟潢池兵氣寢援桴江瑤魚上蠻溪雨波  
蜜花時海郡秋想到行春榮露冕賜金重建璽  
書褒



聖駕入自南郊受朝 皇極殿紀事

聖主齋居帝若臨和風霽雨夜沉沉笳鼓萬吹  
迴金闕旌旆千群度羽林太一親郊周禮備回  
中通道漢宮深受釐不獨諸臣慶拜舞同歡四  
海心

送徐伯繼謫太平知事

風波一日世情新南去蕭條嘆逐臣季布謗先  
聞使氣朱雲直未許批鱗還將蒿目憂時事莫  
遂蓬心負此身君到凌歊臺上望江潭應有獨

醒人

送王侍御視鹺兩淮

八使名高執法中飛揚六傳海方雄廣陵濤壓  
臨江旆斃社珠懸照夜驄少府緡錢三楚倍牢  
盆杼柚大東空朱暉自有匡時策疏草旋應寵  
漢宮

除夕寫懷

四十一年今夜過椒盤栢酒聊倚歌半生勲業  
笑爾耳兩鬢歲月成蹉跎白髮無媒逕路少青



春作伴江湖多抗顏不惜戀五斗獨愧山中舊  
薜蘿

玄墓山和申相公韻

洞庭西望越山晴鳥外烟波重旅情萬壑松濤  
孤磬杳諸天香雨一燈明傳杯自愜高陽興避  
世無慚河朔名牢落平生媿招隱虛將短髻拂  
塵纓

宿遷道中寄懷管比部

淮海東來紫氣浮白雲黃葉正高秋綈袍忽動  
尊中意錦字難傳水上愁浪擁河聲淒夜析月  
凌霜色到寒裘知君亦自憐行露把臂誰同汗  
漫游

送熊茂初再調江西闔幕二首

襆被蕭然下豫章可令時輩識行藏笑談欲絕  
青油幕名字曾高白玉堂側目總堪憂貝錦折  
腰真得類柴桑斗間莫犯雙龍氣未必豐城起  
夜光

曾共談天碣石宮重來慘淡舊游中披襟倘許



高陽劇授簡寧誇稷下雄  
燕市夜歌酣別酒  
章江春信候歸鴻  
主恩三譴還西土  
猶勝輶輶語  
郝隆

送陸山人昺還吳便道將登太山

垂白詩名入洛年  
杖頭行色又翩翩  
符探漢策  
金泥秘觀指吳門  
練影懸夜雨  
江楓揚子渡  
秋雲菰米太湖田  
中林舊侶如相問  
謂報爲郎愧  
草玄

周元孚過訪話舊作

逢君初泛洞庭舟  
共說中朝戀舊游  
爲楚昔曾同  
趙客渡江今始得  
周侯飛蓬有問青衫淚  
短劍無歌白日愁  
良夜總拚酬酪酊  
可因杯酒托  
沉浮

別周元孚作周時被譴歸楚

片雨燈前夜色新  
淒涼舊事豈堪論  
難將疏草回寥廓  
漫有詩篇泣鬼神  
世路風波容易改  
天涯兄弟若爲親  
明朝遠作荆吳別  
相對江籬嘆  
逐臣



衡門高掩尚湖田忽報文星墮楚天肝膽乍傾  
杯酒後死生相憶復與前停雲賦奪千秋雪抱  
葉吟同五月蟬君到懷沙如有問衡湘歸鴈起  
聯翩

贈北溪吳翁

蕭然隱几類潛夫猶是高陽昔日徒名姓向來  
推任俠風流老去快呼盧紅襦半臂纏新錦紫  
玉雙笙按舊圖爲問扁舟行樂處西施載得五  
湖無

送吳侍御滿告還臺

使者霜威六月陰還臺舊是假抽簪皂囊猶鬱  
排雲氣白壁先驚按劍心路轉前旄江樹合杯  
行促膝夜燈深看君未少澄清意寧向明時並  
陸沉

吳氏園作

七月七日驕陽噓沿流出郭尋幽墟東郊園池  
興不淺西候稻梁謀豈餘短褐未厭銷骨口歎  
段且逐下澤車吳雲蒼翠迥在眼奈可生事供



樵漁

吳子道席間示感懷作次荅二首

風雨毘陵對黯然  
逐臣容鬢總堪憐  
蓬心許自消扛鼎  
蕉夢從人未息肩  
殘暑日移蘿薜陰  
空齋陰合桂叢圓  
莫言詩思愁中少  
片片瑤華落酒邊

病起青尊醉不迷  
狂歌忽憶舊中題  
側身平子愁偏劇  
落鬼莊生物與齊  
高舉上將慚遠鵠  
卑棲安得並連雞  
解顏今夕論心地  
好聽秋風鵝

鳩啼

寄唐禮部玄卿

十年詞賦愧齊盟  
漂泊相將第與兄  
從道子牟忘魏闕  
豈如嚴助厭承明  
石牀涼思分泉色  
松院秋深入雨聲  
携手莫言空谷並  
時名猶自擬弓旌

登境山作

青山古寺有叢臺  
松檜森沉一徑開  
平楚輕陰浮遠樹  
洪河排浪隱晴雷  
馬嘶孤嶺歸雲薄  
麥



秀空城落景催却憶江南最佳處黃鸝聲裏縱  
深杯

雨後聞鶯

流鶯哈哈柳溪頭候館晨鐘曉露稠不惜東風  
三百盞那堪夜雨一孤舟路傍偏結離人思枝  
上還驚少婦愁若到金門聞現睨啼爲春色滿  
皇州

雨霽由萬松嶺玉月巖少憇

曲磴盤紆鳥道圍西陵樹色望中輝松風驟合  
三山雨梅氣全蒸五月衣石上移尊偏晚興雲  
邊開榻下炎威滄江漫爾垂綸意誰伴雙星傍  
釣磯

壽閒溪黃翁七十

紫綬恩來尚黑頭賓筵遺老重扶鳩香塵芳草  
山人屐白社封林酒客籌亦有歌鐘娛錦里更  
聞仙藥寄羅浮它年使者熊車入取次封章到  
十洲





松  
石

卷之三  
終

甲



松石齋集卷之四目錄

七言律詩二

皇上奉祝 聖母萬壽無疆二首

郊祀禮成錫宴 皇極殿紀恩二首

皇上有事南郊送 駕承天門恭述

九日侍宴應制

登月山高閣

寄懷劉介卿

晚登釣臺沈侍御攜榼枉過



宿紫微宮王明府子秀夜集七真臺有  
贈

經紫虛觀

宿少林寺全习休和尚夜話

送博羅張孟奇赴春官試

贈周隱君

送池州姚大府入覲姚爲直指與予曾

會揚州

挽劉將軍

高座寺作

送喻督叅赴召北上

贈李臨淮侯壽

送吳大司馬請告還連江二首

庚寅元日立春紀事

元宵雪夜余學士劉司業同集王大宗

伯第

李季宣自真州過訪言別時李將讀書

棲霞寺



送吳繼茂府幕奏最之京

送姚山人匡叔游西粵

桂林雲仙鍊得大丹住世久而不衰姚

山人匡叔年八十矣往乞此藥附詩

訊之

送顧進士令貴溪兼還展省

侯侍御邀遊望湖亭同林給諫諸公小

飲

庚寅六月予方請告杜門程孟明茂才

挾策北游過白下投詩見訪執弟子  
禮甚恭於其行賦此爲贈

程孟明所得江太僕訊知將有武林之  
游時予方請告還里作此寄意

贈大中丞蕭岳峯爲胡荆父山人作

送荆父胡山人之上谷謁蕭大中丞

送典簿子俊考最赴闕

送蕭太僕赴任南滁

初出渡口寄唐給事



閩吳公子家吳台山頗有丘壑之擅作  
此贈之

濟州送王世構擢蜀府審理

送顧山人南還

梨花下宴別用瞿元立韻

同沈太守伯成飲何方伯叅中席上占  
韻

新橋逢王憲使小飲舟中時正憂旱

謁文信國祠

武清得蔣廣平問却寄

贈王戶部

訓楊一中憲使

高憲使夜集南池言別

送萬進士令元城

送程尹謫教山陰

送朱伯祥文學南還

錢侍御席間餞楚雄二守錢君暫還吳  
郡錢時志歸隱



送何子誠侍御出按川蜀

次韵劉子良秋夜對月作

挽諸給諫父母諸時扶母櫬還越二首  
史汝和宅賞燈兼出烟火時同館諸君

子皆集

送劉衍亨太史冊封 韓王

送劉子良太史冊封 周王

劉太史使梁還壽其尊人江雲公

瘴鄉堤上別方縉璋

目錄終

松石齋集卷之四

海虞趙用賢汝師父譔

七言律詩 二

皇上奉祝 聖母萬壽無疆二首

聖后膺符啓運隆春暉遙駐上陽宮垂衣未洽  
黃虞化率土先歌妊姒風鳳宸迎祥邀聖母龍  
樓侵曉會呼嵩慈游常奉歡無極萬國均輸化  
日中

縹渺仙雲護建章聖慈天覆邁姬姜軒圖始自



皇娥茂周曆開從文母長樂報簫韶回萬舞杯  
看沆瀣挹三漿願言國運隆熙洽歲歲宸游介  
壽康

郊祀禮成錫宴 皇極殿紀恩二首

天子宵祈太一壇賜舖恩洽萬方歡班聯黼座  
榮分席羞出珍厨飽大官日月光華瞻禮樂明  
良喜起會衣冠小臣亦忝陪游盛湛露惟歌

聖澤寬

鳳輦天回御紫宸羣公燕喜接郊禋九成歌奏

金縣磬萬壽觴傳玉醴新 聖主自將同宴鎬  
詞臣誰不羨橫汾啣恩徒紀觀臺瑞豈有甘泉  
賦可陳

皇上有事南郊送 駕承天門恭述一首

曉漏晨催彩仗移驂驪羽騎夾郊堤仙姿月白  
瞻天表蹕道風清擁漢儀赤輅纔臨三殿駕朱  
壇半透貳車旗叨從百辟觀殊典鳴珮珊珊過  
玉墀

九日侍宴應制



佳辰風物際重陽  聖主宸游樂未央  玉醴均  
沾黃菊壽綃囊  初佩紫萸房  千音寫鳳迴  虞奏  
萬舞承雲陋  漢章慙奉恩  光同鎬宴載  歌天保  
頌明昌

登月山高閣

白石青崖萬壑幽  蒼茫高閣俯神州  嵩丘對聳  
雙峰色  灑澗遙分二水流  松露雲披光欲曙  蟬  
聲雨咽氣先秋  勞勞暫假塵機息  一宿諸天最  
上頭

寄懷劉介卿

湖海年來漫寄蹤  彈冠此日幸相從  延津躍劍  
虛疑合  河朔啣杯未許逢  已見談經同子政  還  
將坐嘯佐弘農  太行雲樹千重色  不及懷人意  
轉濃

晚登釣臺沈侍御攜榼枉過

漁浦烟消日欲昏  登臨何意枉高軒  悠然枉笏  
西山爽  忽爾披襟北海尊  天入平湖低晚樹  雲  
歸遠渚暗孤村  游人莫作江南望  春艸王

孫自  
五原



宿紫微宮王明府子秀夜集七真臺有贈  
仙宇岵嶢結翠微流雲坐深六銖衣何年瑤島  
乘風去幾日緱山舉手歸松影月移虛萬籟經  
聲夜息靜羣機莫言珠樹能栖雀蚤晚雙鳧向  
闕飛

經紫虛觀

紫金臺下虛皇觀玉女昇仙有石壇羽蓋雲深  
疑駐鳳芝田水煖尚留丹泉飛碧落山容藹松  
偃清陰鶴夢寒我欲栖心玄圃去靈膏終借一

卮餐

宿少林寺同刁休和尚夜話

卓錫何年駐帝京東林遙夜一鐘鳴身隨刁境  
非緣境見到無生始是生世態流雲浮處變禪  
心止水定中明知師已會西來意好向岩頭訂  
宿盟

送博羅張孟奇赴春官試一首

鳳城佳麗憶同游一片孤帆下石頭寒雨三山  
桃葉渡江濤九月秣陵秋橋門色借摠衣重藜



火光從彩筆流此去長楊應奏賦白雲那得久  
相留

贈周隱君

搖落憐君問酒人衡門泌水未全貧兩都彈鋏  
曾傳食五月披裘且負薪行處青山閒作伴歌  
來白雪易爲春素心好並南村叟相逐秋風把  
釣綸

送池州姚大府入覲姚爲直指與予曾會

揚州

瓊花曾共醉深杯計吏熊車又北迴遙憶西臺  
高坐嘯正思東閣並觀梅一麾秋浦三山近五  
馬春城九華開入對定勞宣室問 璽書應向  
日邊來

挽劉將軍

樓船十萬水犀師曾識將軍破虜時橫海頻年  
威百粵渡瀘當日走諸夷祁連象塚留勛伐麟  
閣宗臣肅羽儀最是銅標高勒處至今風雨暗  
旌旗



高座寺作

石子岡頭曉月微  
春江花氣正霏霏  
清晨入寺梵鐘靜  
薄暮長干遊騎歸  
對老竺乾留法座  
亭高木末振銖衣  
酒闌却望蕪城路  
不盡天南有雁飛

送喻督參赴召北上

青雀凌波趁曉風  
周南留滯幾年同  
當尊乍遠看飛旆  
攜手何堪嘆轉蓬  
司馬勛名傳塞北  
參軍俊逸動江東  
縣知幕府勞相憶  
多在秦淮夜

月中

贈李臨淮侯壽

登壇三十擅英聲  
幃幄親提天子兵  
戚里歌鐘惟下士  
侯家詞筆獨長城  
鳳臺吟處江山麗  
麟閣標來將帥名  
更有陰符探秘訣  
人間莫羨李西平

送吳大司馬請告還連江二首

功成分闔復持鈞  
出入三朝一老臣  
百粵軍容收絕鎮  
九仙山色待垂綸  
驪駒唱斷清溪別  
麟



閣占來紫氣新真訣近從毛氏得駐顏還並八  
千秋春

仗鉞中樞壯貳京主恩一劔答生平陣前鵝鵲  
雄魚麗江上旌旗列鳳城爲問赤松今辟穀何  
如黃石蚤傳兵倘然 詔起東山臥幃幄能忘  
佐 聖明

庚寅元日立春紀事

今年元日逢春日彩勝椒花巧闢新不歎周南  
久留滯徒聞直北暗風塵江梅着雪猶含凍苑  
柳迎暄欲吐顰最是物華濃入眼幾人百歲遇  
佳辰

元宵雪夜余學士劉司業同集王大宗伯  
第

尚書甲第五雲邊燈火良宵列暮筵自有詩哥  
誦勝友不勞絃管競芳年一簾晴雪花間舞萬  
樹緋桃水上燃却意長安明月夜鸚裘沾酒醉  
青氈

李季宣自真州過訪言別季宣時將讀書



棲霞寺

曾憶河橋載酒船春風相送帝京篇青燈對語  
憐今夕芳草關情又六年閉目不窺長袖舞降  
心將傍攝山禪近來詩思憑陵甚可信朱門解  
荐賢

送府幕吳繼茂奏最之京

結客才名早歲傳五陵豪俠冠當年微官幸托  
紅蓮幕佳句仍聞白社篇燕市清秋看駐馬秦  
淮明月待歸船酒酣莫望真州路離思蒼茫黯

暮烟

送姚山人匡叔游西粵

東林晏坐幾經時又赴羅浮采藥期老去耽玄  
持半偈狂來飛白滿新詩潯陽九派江流穩粵  
嶺千重馬度遲最好清溪秋夜月可能回首一  
相思

桂林雲仙宗侯鍊得大丹住世久而不衰

姚山人匡叔年八十矣往乞此藥附詩  
訊之



神鼎丹成百歲樓

樓是宗侯煉丹所

真人常此駐丹丘

停騰姹女金膏就呼納玄關玉液流鴻寶虛無  
徒秘訣蓬萊清淺幾浮漚倘然乞與刀圭妙躡  
足應齊玩世游

送顧進士令貴溪兼還展省

玉河水折柳霏霏春水船從漳浦歸邑領花封  
分美政庭趨彩服晃慈輝猿啼仙洞千岩杳魚  
上薌溪五月肥將母不妨行露冕雙鳧蚤晚  
帝城飛

侯侍御邀遊望湖亭全林給諫諸公小飲  
吏散幽尋出郭分風林晴日墮清氛苔深石磴  
藤蘿色水落魚梁雁鶩群柱史舊題堪倚馬省  
郎高議可排雲鳴珂此地多休暇歸騎城南擁  
半曛

庚寅六月予方請告杜門程孟明茂才挾  
策北游過白下投詩見訪執弟子禮甚  
恭於其行賦此爲贈

經旬隱几臥蕭條藉子相過破寂寥玄草未訓



門下問黃金能薄世情驕蟬聲吳苑秋將換馬  
首燕雲路轉遙此別定知投筆意上林花發待  
來朝

程孟明所得江太僕訊知將有武林之遊

時予方請告還里作寄意

踈雨微颺澹客居故人千里命巾車携來今日  
江淹句憶讀當年賈誼疏徑闢蓬蒿林入密衣  
裁薜荔服還初聞君不淺西湖與我亦秋風返  
敝廬

贈大中丞蕭岳峰爲胡荆父山人作

上谷新提十萬兵呼韓日款受降城龍庭北望  
無傳燧雁塞南來盡偶耕專闢憂堪分 聖主  
請纓心不負書生縣知劔履還朝坐猶道風清  
細柳營

送胡荆父山人之上谷謁蕭大中丞

平生踪跡半中州蕭寺重來續旅游法自大乘  
空色相名從入洛著風流清溪夜月迴孤棹上  
谷烽烟急暮秋幕府只今能下士可因栖寂罷



前籌

送典簿子俊考最赴闕

太學三年鄭廣文空齋日日嘯寒雲東膠色借  
詞章秀南國名從載籍聞鳳闕曉光天外近鷄  
籠山翠夢中分官橋大有新條綠相送那堪隔  
夕曛

送蕭太僕赴任南滁

柳色離亭颭酒旗月卿南去汎流漸環滁舊卜  
琅邪宅駭牝重歌坳牧詞春半長洲芳草遍花  
明上苑故人思縣知鳳詔鳴珂入霄漢于今屬  
羽儀

初出渡口寄唐給諫

莫雨瀟瀟洒渡頭孤帆前浦暗滄洲中林有語  
催黃鳥臨水何心愧白鷗侍從舊聯華省地烟  
波今隔李膺舟遠簫橫笛乘流去搔首浮雲極  
北愁

閩吳公子家吳台山頗有丘壑之擅作此  
贈之



閩山萬里落吳台地主奇探勝境開千嶂雲容  
生几席雙溪樹色隱樓臺紫芝曲並幽人賦清  
夜游堪公子來莫以一丘當自擅超宗原有鳳  
皇才

濟州送王世構擢蜀府審理

墨綬新從濟北逢傳經韋氏見遺踪曾聞廉吏  
嘲優孟豈道長裾老曷容別路雲連湯子渡去  
帆星傍益都封明時不見留賢哲丘壑相將臥  
一龍

送顧山人南還

郊甸初冬饒積雪分携此日重離憂不因爲客  
嗟窮路亦藉微官慰薄游物外羈情吾獨苦山  
中靜業爾能修江南春信梅花後應念天涯有  
敝裘

梨花下宴別用瞿元立韻

滿庭香玉晝芬菲月色溶溶夜轉輝賸有梅花  
能傲雪還輕柳絮解沾衣歌殘綺席人初醉賦  
就梁園燕欲歸上苑春光容易別明朝相望五



雲飛

同沈太守伯成飲何方伯齋中席上占韻  
一舸春帆落遠汀  
丈人高閣枕青冥  
勛名岳牧推先達  
松菊歸來羨獨醒  
花氣邀賓香作供  
棋聲入院靜堪聞  
翛然若並神仙侶  
長嘯寒雲墮紫庭

新橋逢王憲使小飲舟中時正憂旱

風波孤艇滯前洲  
駐馬逢君戀舊游  
饌有白魚鮮入釣  
杯傾玄黍釀初芻  
桑麻滿地思今雨  
尊俎連城寢暮桴  
携手不堪頻北望  
故人天際路悠悠

謁文信國祠

丞相荒祠落照中  
煌煌眉宇闕深宮  
干戈百戰窮南海  
仁義千秋競北風  
存趙獨留心化碧  
吞胡尚有氣如虹  
沾衣一掬英雄淚  
腸斷寒雲易水東

武清得蔣廣平問却寄

南去扁舟興不孤  
蕭蕭寒雨暗江蕪  
尺書忽枉



瑤華色蓬鬢還驚歲月徂桑雉政成齊五鳳梅  
花賦就可三都停雲望斷行吟處猶憶烟波舊  
釣徒

贈王戶部

南北飄搖未定身客游應笑往來頻冥鴻天地  
誰知己飛蓋追隨有故人岐路悲堪消歲月酒  
杯狂亦失風塵江城一聽梅花筵明日孤帆倍  
愴神

訓楊憲使一中

倦游南去復揚舲車馬江干擬聚星疎雨古堂  
涼入夜深杯刻燭酒初醒絃歌競喜今齊俗瑣  
闥曾高舊漢庭長路莫論心百折側身天地幾  
風萍

高憲使夜集南池言別

南池亭子枕滄洲池上重來戀昔游遙夜不虛  
良燕會使君還是舊風流蒹葭水淨涼分雨荷  
芰香多氣入秋狼籍深杯莫辭醉挂帆明日又  
徐州



送萬進士令元

壚頭四月柳絲香西去襜帷大麓長三輔股肱  
今樂令九河綿絡古黎陽裁書秋思霜前雁臥  
閣春陰雨後棠百里可能淹驥足直將投筆靜  
龍荒

送程尹謫教山陰

茂宰能名漢吏如還從遷謫問離居言詩舊識  
轅生傳程嘗分教餘姚探穴重窺禹跡書是處青山逢  
二酉何來白雪有雙魚賦成莫浪頻驚座狗監

誰人薦子虛

送朱伯祥文學南還

南去其如作賦才相看意氣倚徘徊風塵豈少  
馮驩嘆岐路仍同阮籍哀白雁三秋來正遠黃  
花九日到應開故人未是王陽貴莫笑彈冠尚  
草萊

錢侍御席間餞楚雄二守錢君暫還吳郡

錢時志歸隱

萬里驅車越嶠迴衣冠此日幸趨陪漢庭郡治



三刀最滇海民歌五袴來游子苦顏憐短髻故人離思盡深杯  
璽書正自推能吏三徑從君未可開

送何子誠侍御出按川蜀

當年虎觀盛談經繡斧西持出漢廷馳檄近傳司馬喻乘槎  
今見益都星錦官柏借霜臺白浣水溪從橐筆青一自碧鷄  
宣賦後何人重到草玄亭

次韵劉子良秋夜對月作

獨上南樓萬里情月斜鳩鵲影偏明亦知弟妹勞相憶  
無奈文章老未名永夜高城聞畫角秋風孤館送清砧不堪  
望斷關山道塞北哀鳴起數聲

挽諸給諫父母諸時扶母櫬還越二首

仙郎此日罷鳴珂宰木蕭蕭涕淚多數策已知兒是慶  
斷機應見母爲軻青山隱跡高吳越白首榮封寵薜蘿  
千里未能酌絮酒招魂徒有楚人歌



素車驚策薊門西暮雨迴風宿艸萋馬鬣久標  
原氏隧牛亭重合鮑宣妻朝廷瑣闥高郎省竹  
箭東南美會稽腸斷不須悲夜壷 璽書應復  
賁璇題

史汝和宅賞燈兼出烟火時同館諸君子  
皆集

敞筵華月霽澄空燈火高齋錦里逢座握靈蛇  
渾不夜談馳非馬似生風初疑香霧浮銀界忽  
有金蓮照綺叢劇飲莫教催玉漏滔滔游騎滿

城東

送劉衍亨太史冊封 韓王

送爾都門擁使輶翩翩玉節下雲霄藩分陝  
王畿舊路轉函關紫氣遙振筆二華高象緯采  
風三輔見謠謠故知燕市秋相憶莫遣離亭宿  
柳條

送劉子良太史封 周府

中州列眼舊神京勅使親持帶璽盟自是傳經  
推子政居然入洛見長卿花明少室迎龍旆月



滿綵山聽鳳笙聞道梁王多侍從鄒枚詞賦總  
堪傾

劉太史使梁還壽其尊人江雲翁

花滿荆門四牡駢青雲初試彩衣歸鄴中年少  
名公幹郢上仙翁字子微鶴髮漸看瑤島近鳳  
毛爭識玉堂輝歲星高着江湄外應供奎躔燭  
紫微

青縣堤上別方蘊璋

憐君此別手重携散髮長堤日又西鐘鼓千官  
愁駐馬星辰一夜暗然藜因風柳絮沾沾起出  
浦雲帆片片低東道若逢楊得意可能相對訪  
幽樓

松石齋集卷之四 終







松石齋集卷之五目錄

七言律詩 三

慶成大晏紀恩

壽曾陽白少參七十少司馬確菴公父

送李給諫使封楚府

送年家子陸茂才還吳

韓行人使大梁暫還吳壽母

送包司城倅饒州

陳太醫坐隱齋成過飲作



贈錦衣張將軍

施封君雙壽

楊中丞鎮薊有贈

送余太史伯祥使封 衡魯二王暫還

白下

送桑倅恭進尚衣還治武林

聶山人天衢遺予五炁丹兼有還山之

約作此奉荅

贈李大將軍

奉荅沈君典太史宴集錢光祿齋作得

壇字

挽顧光祿母華節婦

送吳臧方出叅西藩餉潞河相次累日

賦此言別

送朱山人

送章大會試

夏日過秦汝立中翰寄訓二首

壽沈生琦大母七十母故給諫婦長子



常爲史官

七夕避暑飲吳氏東園示孫少府蔣比部

莊內翰見訪作

寄謝江陰胡令君

寄穆常州二首

寄壽陸翁

送趙博士應南宮試復之金陵

壽華亭徐相公

夜宴沈令君署中作二首

別方戶部作

江都別尚進士之吳

至徐州却寄淮揚姚侍御

戶部姜使君飲黃樓二首

贈李光祿

登放霍亭懷舊游作

太白樓

過青源值茹兵憲有兗州之役不遇悵



然有懷

武城阻涉

天津逢趙戶曹在句見貽因贈

李太守夜宴陸錦衣宅同郭參政

湖心亭有懷王僉臬王時在天台

送馮山人子潛游匡廬武夷

送錢比部決審還朝

焦山寺

金山寺得聞字

黃懋忠在告作此奉詢

送徐文學之江都徐善方藥

東郡蕭太守邀登光岳樓作

送朱虛谷遷崇藩歸隱

送杜子庸北游

送吳醫從凌司馬之廣左

送敖學錄擢大理二守

送周公瑕南還二首

送吳山人南還



松石齋集卷之五

海虞趙用賢汝師父撰

七言律詩三

慶成大宴紀恩

大廷酺晏慶郊成喜起君臣見鎬京旭日五雲  
依帳殿鈞天九奏叶韶英千花彩自彤墀散萬  
壽觴從玉陛行虛忝上台偏 聖澤承恩常祝  
太階平

壽曾陽白少參七十少司馬確庵公父



功成分陝遽投閒五畝歸來未買山白雪故能  
工郢曲青牛曾是出函關馬曹卿月司馬嘗新  
沾寵鳩杖春風好駐顏誰得似君金紫映錦衣  
重見舞斑斕

送李給事使封楚府

雙旌南出楚天長羨爾飄飄青瑣郎車輅重開  
熊子社桐圭新授漢庭章舟迴襄浦分仙珮賦  
入澧蘭揔國香最是武昌魚雁便可令書札滯  
潯陽

送年家子陸茂才還吳

燕歌此日唱驪駒醉裏高陽戀舊徒一刺懷中  
成漫滅千金臺上事虛無何嗟歸去仍彈鋏自  
是文章合弃繻奕葉遺書聞好在雲霄莫遣鳳  
毛孤

韓行人使大梁暫還吳壽母

負弩君行入洛陽長卿此日盛游梁剖符遠許  
分南國衣彩歡承在北堂行處三華携玉液歸  
來六傳擁金昌王程計日還趨省待爾鳴珂侍



建章

送包司城倅饒州

急管青絲金屈卮相看一夕忽天涯  
薊門雁盡三秋旅茗水萸香八月期  
輦轂司城歌子罕功名佐郡喏宗資  
鄱陽向上春潮遠白雪應裁慰所思

陳太醫坐隱齋成過飲作

一區少隱紫垣傍供奉曾提肘後囊  
肆裏垂簾窺老子席前探局偶中郎  
紅塵盡日喧車馬清

夢何心入廟廊自是元龍多逸氣  
夜深呼酒詭干將

贈錦衣張將軍

三千緹騎繡弧鋏獨領中權屬子侯  
曉仗平分雙闕隊春衣盡壓五陵游  
酒如文舉尊常滿座有陳遵轄可投  
匣裏芙蓉羞自老 主恩還擬一身酌

施封君雙壽

五年交戟困爲郎乍奉雙龍拜寵章  
耦德祇今



推缺冀淵才原自重元將逃名白髮全消酒玩

世青衫一隱囊見說踏歌行樂地芙蓉秋浦封君

本青陽人地名秋浦樹蒼蒼

楊中丞鎮薊有贈

當年分閫荷宸衷百二重關鎮節雄屬國降胡  
羈老上漁陽突騎統元戎旌旗晝偃長楊獵刁  
斗宵沉細柳風共道普天無戰伐形容麟閣待  
標功

送余太史伯祥使封衡魯二王暫還白下

詔承三殿出蓬萊馬首青雲岱色開東國宗盟  
嚴帶礪西京詞客重鄒枚談雄稷下雕龍口賦  
就靈光授簡才別後行吟何處所秋風應上鳳  
皇臺

送桑倅恭進尚衣還治武林

五月龍舟漳浦移尚衣筐篚禁中披名高甌閩  
寧襦袴政最東南獨繭絲鳴佩乍隨鷄闕仗觀  
濤遙駐虎林麾縣知玉宸疏循吏遲爾徵書佐  
郡時



木石齋集 卷之五 四  
聶山人天衢遺予五炁丹兼有還山之約  
作此奉答

早聞辭祿訪丹經五岳名山恣所行歲月蓬心  
調吐納烟霞芝宇證虛明始緣玉液刀圭授正  
解金精服餌成便欲從君勺漏去可堪凡骨煉  
長生

贈李大將軍

虎臣親遣獲烏丸推轂先登大將壇戲下輕車  
遮首虜軍中超距簡材官金戈霜抱陰山色鉄  
馬風嘶遼水寒東顧毋勞憂 聖主邊城今已  
繫呼韓

奉荅沈君典翰撰宴集錢光祿作得壇字  
相逢休沐下鷓鴣邀賞高參晝卜歡投轄盡傾  
光祿酒盞簪初喜貢公冠芳陰入院花留馥殘  
雨鳴池暑較寬不是宣城遺藻麗何因風雅見  
登壇

顧光祿母華節婦挽詩

休言將母事何如淚盡泉臺夜月孤埋玉此時



消別恨斷機它日識遺書豈無形管留芳訊自  
有清心映夕廬共道郎君好詩思柏舟吟罷痛  
猶餘

吳職方出參西藩舟值潞河相次累日賦

此志別

握手歡同薊北游挂帆高傍李膺舟折衝曾走  
降王檄轉餉還輸佐國籌吳時任督糧不是韜鈴閒  
盛世由來岳牧重諸侯故人寥落黃金貴說到  
波臣也自愁

贈朱山人

誰言常日白頭公真見衣冠太古風芋栗未全  
貧爨下弓旌何羨賈岩中頽頽駐酒神逾王健  
思凌雲調轉工便欲從君棲隱處梁溪一棹五  
湖東

送章大會試

君行物色壯時髦惜別相將解佩刀五彩雲成  
名始奏千金賦就價終高風霜歲事辭蓬鬢  
李春陰上錦袍燕市酒人如問訊爲言幽思入



離騷

夏日過秦汝立中翰寄酌二首

高閣清暉入座收居然三徑得羊求此時對酒  
重淒斷却數當年因旅游結客盡逢龍劍合何  
人不道鳳毛留於今屈指詞林事萬卷看君是  
鄴侯

惠麓雲來雨氣重披紛談塵快登龍傳經自昔  
推韋氏作宦從君似邴容冥色全深當戶竹溪  
聲遙和隔林鐘誦書篋裏羸何事無限吳山也

素封

壽沈生琦大母七十母故給諫妻長子常

爲史官

由來黃闥並丹丘爾復才名小隱侯問試鹿車  
從識鮑情陳鳥鳥獨依劉雲霄一日看霞彩水  
雪千秋咏柏舟太史若裁貞烈傳應知舊業好  
須讐

七夕避暑飲於吳氏東園示孫少府蔣比

部



河朔茲晨興可憑七襄歌斷夜澄澄啣杯思入  
風雲氣伏枕寒生澗壑冰亦自高情同蔣詡能  
無狂嘯對孫登天文倘動賢人象乞取仙槎一  
托乘

莊內翰見訪作

風塵去國自何年千里幃帷草閣前未可署門  
同翟尉尚慙卮酒對彭宣吞聲窮感涕袍淚握  
手交存寶劍篇暫得寂寥寬一醉明朝相別又  
茫然

寄訓江陰胡令公

歲晏江臯雪乍飛故人相訊一沾衣身隨危死  
愁中過色借招携醉裏肥下客狂還同阮籍使  
君清果得胡威若言意氣堪酌許十日平原未  
擬歸

寄穆常州二首

又將名姓掩菰蘆江畔俄驚小隊呼自得論心  
期秉燭虛聞按劍擬投珠一麾身重干城寄五  
岳形從石室圖不是烟霞有真好何緣傾蓋抵



潛夫

五馬春來露冕行  
雙熊夾轂兆前旌  
誰言三輔高時最  
揔道中樞屬大名  
山閣流雲憑檻出  
江楓落月應潮平  
憐君忼慨登臨意  
不盡關河此夕情

寄壽陸翁

青山湖上足烟霞  
江左名流重陸家  
自傲田中多隱色  
已看門外有高車  
呼筇醉共西江月  
抱甕泉分顧渚茶  
七十行歌人世少  
鬢絲休遣負

年華

送趙博士應南宮試復之金陵

青絲白馬照金昌  
雙劔天風引旆長  
賦壓騷人材是楚  
經傳諸子說爲匡  
雲邊五色披閭闔  
臺上千秋有鳳皇  
遙憶蓬萊增氣象  
班揚詞筆在明光

壽華亭徐相公

屈指先皇柱石臣  
何人勛業冠麒麟  
格天德重三朝舊  
夾日祥回萬國春  
綠埜歸從娛盛



世赤松游並得閒身那知海內東山望劔履猶  
須上紫宸

夜宴沈令署作二首

尊前秋色照金壘乍擬冰壺坐右開花滿正同  
潘令邑詩新真並隱侯才鮮雲露白芙蓉濕明  
月天清雁鶩迴誰得似君高唱絕夜深橫吹起  
霜臺

不謂猶憐阮籍窮尚堪青眼對君公慧機妙可  
窺身後聖地深能着酒中籬隱寒香疎紫菊林

酣晚色映丹楓亦知瓠落甘吾事寥廓相期氣  
轉雄

別方戶部作

客散深堂列炬然江村烟景動芳年羊求杖屨  
時三過仲蔚蒿萊自一屢攬轡即看成勝踐彈  
冠羞復及華顛明朝彩鷁河干遠應念春風五  
柳前

江都別尚進士之吳

尚父嘗  
按吳

一卧南陽遂廿年相逢此夕倍相憐鳳毛才是



超宗舊烏鳥情因報母懸岸色新添瓜步雨潮  
聲初送廣陵船吳閶門外千條柳曾拂當時沉  
酒筵

至徐州却寄淮揚姚侍御

縻蕪三月滿天涯驄馬俄傳問索居春雨尊中  
消說劒暮山江上好鶩帷霜飛白簡臨淮肅峽  
轉黃河入楚奇一夕雄風吹萬里揚州鶴背可  
須騎

戶部姜使君飲黃樓二首

高閣馮虛俯大河雲龍峰色映嵯峩驚波檣影  
浮天卷狎渚鷗羣拂檻過才子登樓能作賦酒  
人彈鋏和當歌與君同是思家客暮雨山中  
綠蘿

金鞮刻玉五花驄上客登臨落照中白辨淮徐  
雄奠麗青分齊魯破冥蒙叙年潘岳誰如少托  
賦楊雄老未工早晚承明陪侍從心期應許故  
人同

登放霍亭懷舊游作



春暮淮西正綠陰十年爲客轉驚心鶯啼古路  
林光淨雀去空亭月影沉霄漢久勞縣夢寐雲  
山重得舊招尋白鷗深愧閒相待未許長歌梁  
父吟

太白樓

濟上層城百尺樓竹溪曾駐謫仙游山容似借  
青蓮湧水色疑分采石流縹渺雲裾高縱浪迢  
遙蓬闕俯神州屋梁落月栖殘夜猶照烟波萬  
古愁

贈李光祿

供奉當年列禁闈依然丘壑遂初衣詞家句裏  
窺長慶隱士占中識少微曲榭輕陰人跡少橫  
琴長日鳥聲稀如君七十真難老處處行歌有  
釣磯

過青源值茹兵憲有兗州之役不遇悵然  
有懷

岸柳絲絲渭水春斜陽徙倚向津亭曾勞錦字  
傳嵇散那復仙舟御李膺遷客本來耽寂寞故



人還喜問飛騰王程信宿重回首暮雨孤鴻不可聽

武城阻涉

支離南北嘆風塵可信浮名繫此身雨暗連村  
歸綠對月遙孤艇蕩青蘋堪消驛路愁中酒却  
戀家山夢裏人揔道金門能避世何如江上老  
垂綸

天津逢趙戶曹狂句見貽因贈

落日孤城枕大流逢君虛左慰招留龍蛇道在

神猶王蕉鹿人間事可憂片語鴻濛開萬象一  
朝星聚足千秋袖中攜得相如賦莫說南來只  
漫游

李太守夜宴陸錦衣宅同郭參政

使君開館夜如何岐路相逢感慨多朱紱誰修  
金谷飲青尊能醉竹枝歌人今湖海憐雙劍客  
有羔羊重五絕深坐不妨頻引燭涼風天末起  
重蘿

湖心亭有懷王僉臬王時在天台



湖心亭子枕寒湫拍岸烟光四野浮酒試烏程  
偏辟暑歌來白苧欲先秋雨兩峰高並青如沐一  
鏡平開翠若流從道山陰能放棹赤城今穩臥  
王猷

送子潛馮山人游匡廬武夷

看君躡躑氣何雄杖底千峰指掌中廬岳雲深  
迷去鳥慢亭秋老識歸風無魚不作馮驩歎有  
路寧爲阮籍窮愧我日縣滄海夢應須同爾問  
冥鴻

送錢比部決審還朝

仙郎持節出逶迤三輔俄承解網慈尊酒離亭  
秋色杳大江飛雨片帆移西曹擲管推玄艸東  
觀繙經壓絳帷擊筑何人燕市裏風塵遙憶白  
雲司

焦山寺

孤峽臨空島嶼遙諸天樓閣隱迢迢鏡中魚鳥  
浮晴色檻外帆檣進午潮石磴迥含滄海氣江  
亭高擁赤城標何年白社栖幽跡任爾風塵可



自消

金山寺得聞字

凌波一棹水沄沄躡足孤峯萬里雲帝闕東蟠  
龍扈壯江流中坻楚吳分兼葭遠岼開晴靄鐘  
鼓叢林靜夜氛莫更凭闌望南浦秋來鴻雁不  
堪聞

黃懋忠在告作此奉詢

歲晚風霜短鬢疎棲遲羨爾得幽居閉門不見  
長安米伏枕惟耽玄晏書豈爲避人甘懶慢將

因臥病轉清虛侯芭已識揚雄賦問字因多載  
酒車

送徐文學之江都徐善方藥

蕪城寒雨淨江烟別爾懷人楚水邊卷幔清秋  
徐稚榻下帷長日廣文璫瓊枝天外勞相憶瑤  
艸山中信可傳白首莫言經術困蒲輪應遣受  
遺篇

東郡蕭太守邀登光岳樓作

岳色東浮大麓平蒼蒼烟樹藹重城千帆河渭



窗中出萬壑風雷杖底鳴高處淒清隣 帝座  
望來佳麗奪蓬瀛何當五馬追遊日一笑天門  
紫氣生

送朱虛谷遷崇藩歸隱

人憐少府困談經更惜除書下汝寧初服旋甘  
栖市隱曳裾無復向王廷帆移瓜步江烟紫潮  
落君山岸柳青裘馬平生多意氣莫言湖海是  
飄零

送杜子庸北游

此去春風滿 帝畿憐君猶自老荷衣上林賦  
就逢楊意入洛名同荐陸機柳葉青隨芳艸盡  
桃花紅逐片帆飛詩筒未了山中約可信先驅  
負弩歸

送吳鑿從凌司馬之廣左

白髮何嗟事遠遊春風爭羨李膺舟中丞賓從  
多珠履上客衣冠薄蒯緱此去金芝應可掇將  
離芍藥好須投羅浮舊是神仙宅莫逐安期駕  
赤虬



送教學錄擢大理二守

春風是處廣文聲  
佐郡翩翩壯此行  
絳帳經生留六館  
碧鷄山色屬雙旌  
舊游踪跡淹同調  
到日音書隔幾程  
極目滇南雲對杳  
祇看除目下專城

送周公瑕南還二首

楊柳千門曙色開  
翩翩裘馬亦雄哉  
百年湖海憐浮梗  
一夜關山聽落梅  
白雪盡驚枚叔賦  
黃金未起郭生臺  
闔城外春如錦  
行到杏花飛

幾迴

搖落偏驚旅客年  
驪駒那復悵離筵  
江南杏花寒食盡  
薊北鴻書二月傳  
避世偶同方朔隱  
問奇終愧子雲玄  
故園叢桂勞相憶  
芳艸因君重可憐

送吳山人南還

南客懷歸傷莫春  
天涯薄宦若爲親  
東風渭水迴孤棹  
寒雨燕山憶故人  
白首才情高俠氣  
青尊花月老閒身  
定知別後栖遲處  
獨傍滄江把



鈞繪

相...  
卷之五





松石齋集卷之六目錄

五言絕句詩

席上贈譚者朱生二首

七言絕句詩

贈日者沈生

奉和劉侍講暑日見過二首

題無念僧行卷

有序

送地理曾時統

有序

山行即事五首



本入彙集 目錄  
送心法和尚入蜀

送緣督上人

贈画師吳子

嵩山

嵩福宮

淮水曲

秦嶺

惆悵詞二首

秋江二首

詞

盛敏叔館兄新婚調寄玉燭新爲賀

銘

吳山人萬歲藤杖銘

贊

棣萼相輝圖贊 有叙

魁星像贊

徐麓源博士像贊

朱文學像贊



吳貞節氏贊

吳純節氏贊

沈貞烈氏贊

沈貞烈氏贊

松石齋集卷之六

海虞趙用賢汝師父撰

五言絕句

席上贈譚者朱生二首

吾愛郭舍人滑稽狎天子一遇東方生伊優欲齟齬

擾擾名利間英雄幾塵土看君緩頰談舌端戰秦楚

七言絕句



贈日者沈生

與子相逢在北濠廿年祿命亦虛高如今磨蝎  
推應去安穩山中醉濁醪

奉和劉侍講暑日見過二首

水面涼颼太液清溪雲間拂簟紋生高齋消盡  
風塵色一聽瑤華萬古聲

戰勝閑來貌自腴陶然一覺夢于于五湖新狎  
烟波長不向空林咏白駒

題無念僧行卷

有序

不佞於佛理未窺一斑也然亦時時好  
從學佛人游獲聆緒論其貢高執有者  
謬謂已得法要而不知竟落偏義苦行  
談空者自許既證大覺而不知亦墮迷  
情蓋法等虛空而心執有無覺海滉漾  
孰窺真際宜不佞之疑而增畏也庚寅  
春仲胡山人荆父過白下荆父故善言  
名理稱辯才無上乃數推無念師不事  
語言直契宗旨不佞因得一叩威儀少



承警欬目擊道存無所容聲然後知菩提自有密義大乘自有正法爽然心開幾不虛此生矣念師因舉卓吾李先生心經金剛諸說見示謂吾證道自李先生始遂窮一晝夜力讀幾遍李先生不佞企其人而慕說之者廿年餘矣一日得藉念師而窺其微言不佞因以知李先生非常人此其意盖有所激而隱于禪者詎獨非不佞此生之幸歟念師復

且杖錫還楚不佞恨從游之無幾而又愧扳留之無術輒呈俚句聊識私仰云爾

頭白於今侍遠公南宗誰復悟真空帝城鐘曉秋雲杳一葦相將渡楚東

送地理曾時統 有序

堪輿曾時統虔之興國人遠祖廸有神術世以比郭景純所著書多不傳獨傳其子若孫今數十世矣時統在諸裔孫



中允精其技歲游楚東徧岳陽諸郡凡  
爲人卜宅營兆大抵因山川形勢不尚  
卦例諸說決禍福若數一二辯黑白無  
爽毫末先是余友艾和甫太僕歸自戍  
所時統與約後八年當過白下相訪艾  
頗異其言今年庚寅時統果來金陵純  
甫已官臚卿一年適符所約數矣和甫  
讀陰陽家書最多每爲余言得其要者  
獨時統耳余因邀之至吳中時余先妻

葬已七年曾言是地以文曲遇文曲法  
應棺中有濁水而槨內乃尚燥兒子琦  
美遽發視則棺之漬于水者上和不及  
僅四寸耳他所履按亦多奇合已復返  
白下白下人雅不譚風水然見曾輒心  
折邀致無虛畧名遂大譟適和甫擢冏  
卿因載與俱去期以明年春仲當再過  
吳爲我擇一壽藏地時統信士余知其  
不肯約于其行和甫旣作四絕句亦命



余次其語而爲之詩以贈

彭蠡西風一夕還江魚村酒醉衰顏探君袖裏  
青囊秘收得東南萬里山  
清溪渡口送歸舟指點江山王氣收盡說麒麟  
高塚在前岡誰識是眠牛

山行即事

十里山塘九里花輕烟淺淺襯平沙棹歌一曲  
浮雲暝片片尊前落紫霞  
拍岸輕橈簫鼓鳴女郎連袂踏莎行山頭紙陌

烟如湧人道玄皇掣絳旌

出水蒲芽一尺強深村門巷柳絲香黃鸝啼歇  
無人徑小艇維來傍野棠

殿橋西去水如藍匝地榆陰滿陌南盡說尚書  
高塚在綠雲千頃晝髮髮

春堤幾曲是湖田處處旗亭艤酒船載得醉人  
歸去晚半村斜日半村烟

送心法和尚入蜀

屢屨初從南岳來繙經重上雨花臺了心若了



無心處神足何須說萬回

送緣督上人

乞道何年別故林千山一錫遍行吟浪游原不  
離雙足孤月長天證此心

贈畫師吳子

愛子丹青妙入神烟霞容髣貌來真何人解識  
麒麟像丘壑相將置此身

嵩山

玉檢金泥事有無從官曾說聽嵩呼白雲日日

封中起荒艸秋原輦路蕪

嵩福宮

下馬來尋舊渚宮亂流荒艸夕陽中鸞旌鳳吹  
無消息惟有寒鴉噪晚風

淮水曲

湯湯淮水日東流賈客乘風浦浦舟盡道揚州  
多艷曲到時須上大堤遊

秦嶺

夷趙功成決武安秦王萬乘入邯鄲咸陽不似



松年齋集 卷之六  
叢臺舊落葉西風兩地殘

惆悵詞二首

水沉香冷博山爐徒倚黃昏月影孤何事啣啼  
不成怨近來雙眼淚將枯

西風吹雪滿河關落日驅車游子顏君王不道  
妾薄命前席何年早賜環

秋江二首

江上風帆片片開千峰愁色映啣杯誰言水到  
黃河曲不似離腸日九迴

水面寒生入鷓鴣江風吹夢落家鄉紅顏一別  
愁心盡白髮三千道路長

詞

盛敏叔館兄新婚調寄玉燭新爲賀

梅柳窺春蚤見曉帳芙蓉鴛鴦嬌小洞房昨夜  
香雲煖花燭分堦繚繞風流瀟灑想跨鳳乘龍  
恰好分明是弄玉秦樓蕭史雙雙蓬島 絳紗  
斜擁星蛾轉綠綬窺郎色欺芳艸佳人窈窕相  
輝映喬木絲蘿嫋嫋百年偕老更桂子蘭孫不



少須記取彤管它年梁鴻德耀

銘

吳山人萬歲藤杖銘

天台之陽植此靈壽礪砢多奇矯矯擢秀我遊  
逍遙維以處後嗟不競不撓予托爾以守

贊

棣萼相輝贊 有序

予甫弱冠業曲臺禮則受經余師葛養  
予先生而是時先生兄育菴公寔相與

朝夕同講席上下論議予雖未及游公  
之門而課功程稅所規藻于公者寔居  
半焉未幾公以經魁兩都省試連舉進  
士為臧方郎有能名出補汝寧太守會  
當事者銜公郎署時有所忤意公遂自  
劾罷又數年而予師始舉鄉試既累下  
青官第乃就銓謁得守歸州以去方汝  
寧公去官時其仲兄虹川翁尚無恙每  
游行山澤間兄弟相先後杖屨休休邦



人榮之至繪爲棣萼相輝圖以遺汝寧  
公予因以燕見得一披是圖蓋不獨表  
冠儼雅有先民之程而其怡愉雍睦之  
象亦可想見其家庭孝友之風者汝寧  
公曰自吾兄之物而弟復官于遠予默  
默有原上之思焉子幸爲我稍次列圖  
事而系之贊庶幾可藉以徵于久而因  
以飭爲吾後之處兄弟者予謹奉公教  
而爲之贊云

我聞葛翁載德以居逃名以游蹉蹉乎蓬藿之  
資矯矯歸州皜然者冰玉之操而皎然者貌姑  
射之仙肌惟汝寧公逶迤與俱弟後兄先見之  
者謂其一丘一壑相羊自嬉而吾以爲其繕性  
于學游神於漠者實可以鎮薄俗之趨蓋先生  
之所自貌者退然若不勝衣而去儕與盈執罇  
之機後千百年其將藏形于丹臺石室之墟乎

魁星像贊

爾斗之精何以獨兆乎文明當由其前之耀乎



六府而後之麗乎三台噫嘻是維啓國家之真  
才而宜尸祝爾於戶牖間哉

徐麓源博士像贊

嗟爾儒其冠耶宜寬袞而逶迤嗟爾游方之內  
耶去態色與欲志而一和之以天倪蓋先生所  
不足名位而先生所有餘者乃其人情之內怡  
寂如畏壘恬如華胥兄先生者彷彿挹太古之  
淳風而先生寔示人以杜德機者耶

朱文學像贊

子腴於中而癯者形子邃於學而扼者名彼其  
睢睢于于據槁梧而吟也若以爲輕世而遺榮  
然吾見子手揮五雲腹蟠六經將龍驤慶霄鳳  
舉瑤林眇翩翩而獨征惟狗子以名乃索子以  
形吾不知子之垂紳鳴玉紆組影纓者抑豈有  
克乎此形而吾以爲此獨貌子之精

吳氏三節婦贊 有叙

閩吳大夫鵬峰公嘗官內外臺有聲朝  
寧間矣已而微忤當道意遂拂衣歸歸



未幾而以疾卒予登朝晚又落藉家居者數年自餘亦僅僅株守長安中無由一咨叩於公之轂欵也然從海內賢豪間所稱說於公者亦旣洋洋矣歲之甲申公子可官來遊吳下間出沈貞烈傳示予且爲予言公之姑適周戶曹妹適何比部者皆甫踰二十而嫠皆能立孤延嗣迨老而操行如一日里之士大夫蓋私以易名之議加周曰貞節加何

曰純節矣至于沈貞烈之死以方二氏則尤有難者夫二氏敵體有位非可方跡于執御而含悽於白首以視夫畢命於華年者死生之際又大有逕庭矣予讀其言爲之低回而三歎焉故夫大夫之節槩表著於世述者豈偶然哉即本諸家庭婦子間而其所漸摩者于茲爲極矣因各爲之贊以自附於彤管之職用以厲夫世之馳騫妖佚脫落名教者



云

吳貞節氏贊

奕奕貞節維吳之懿夫死于諫婦死于義嗣彼  
徽音恭姜節誓異日齊風激揚千禩

吳純節氏贊

宛孌女宗詩書自鏡夫君永絕終焉自靖立孤  
延業茹辛卒命風軌載揚儀言日競

沈貞烈氏贊

貞女來媵是曰槐英從死大夫守道達情慨慷

從容烈士之程勁節後凋有赫斯名





國家圖書館, NATIONAL CENTRAL LIBRARY, TAIWAN, R.O.C.



木  
入  
初  
...